

Paulo Silas (Brazilo)



Mi ne certis

Mi ne certas, kiu estis la viro en la spegulo.

Mi ne certis.

En lia rigardo, mi rigardis.

Li ne havis nomon kaj la mian mi ofertis,

sed lia senŝanĝa rigardo estis neo.

Por la universo, mi ne trovis fundamenton en lia
okulbrilo.

Urĝis en mi la deziro diri, konfidi per palpebrumo,
ke la mondo pulsas ĉirkaŭe, dum ni interrigardis.

Mi volis atentigi,

krii el interne de la abisma distanco inter ni,

mi volis vorton ĵeti kaj averti,

ka la akvo jam atingis la mentonon.

El miaj intimaj bezonoj la plej grandan mi ardis
donaci.

Helpi lin mi volis kiel lastan antaŭenpuŝon.

Mi ĵuris per ĉiuj ebloj, probabloj, konjektoj,
hipotezoj,

sed ne utilis miaj provoj.

En lia silento mi silentis.

24-04-2016

Maria Nazaré Laroca (Brazilo)



Estu lumo!

Heredantoj de l' Lumo,
jen ni feliĉaj, tamen,
dancantaj en la mallumo
de nia malsaĝeco.

Ni avidas je l' ombro
vanta de l' aplaŭdoj
nutranta la famon,
kiu nin trompas,
kaj forpasas.

Lumiĝi bezonas
la senmova animo,
dum estas tempo:
ĉar nur la lumo
ne korupteblas!

Juiz de Fora, 20/09/2018.

Rapsodio

Kvinjara knabino
feliĉon balancas
sur ŝnuro ligita
al du arbaj branĉoj.

Sed ŝi ne suspektas
pri nepra ŝnurego:
kvindekjara ino,
pont' super abismo.



La knabino feliĉas
pro la momento pura;
tamen ŝi malkonfidis
al l' abismo el plumoj.

Kaj ŝi teksas kaj malteksas
la silkon de l' temprivero,
kiu eterne revenas...

La virino kvindekjara
la vivspegulon transiras,
kaj kun kaos' dialogas.

Sed ŝi nur sukcesas trinki
de l' tago l' okulon bluan,
sub la printempa suno...

Juiz de Fora, 09/10/2018

Tiberio Madonna (Italujo)



AŬTUNO VERDA

Sur la aleoj
tegitaj per tapiŝo
farita el foliaro
friska blovo aŭtuna
reportas mian menson
al la nuntempo
al la koloroj de l' hodiaŭo
deturnante min de la pensoj
pasantaj
de la koloroj de l' hieraŭo:
ruĝo, flavo, hela bluo...
ĉi-somere la brilaj koloroj
sur papilioj, sur floroj,
sur folioj zorge farbitaj
per bela verd' intensa
gajigis la paŝojn
sur ĉi samaj aleoj
invitante nin danci;
la lingvo de l' naturo
kiu invitas ami
estas lingvo universala
ia "Esperanto flaŭra"
kiun ĉiuj komprenas
ĉiuj popoloj
de l' mondo;
kaj la folioj de l' platanoj

kiuj susuris ĉe la brizo
verdaj kaj steloformaj
kun siaj kvin pintoj
vere memorigas al mi
ja multe
la stelon de Esperanto
la stelon verdan
kiu unuigas
ĉiujn popolojn
de l' mondo.
Ĉiuj tiuj steloj
kiuj nin rigardis
ĉi-somere
de la platanaj branĉoj
montris gajaj en la sunlumo
sian intensan koloron
sian intensan verdon.
Nun
en aŭtuno
bruniĝintaj la folioj
estas ĉiuj jam falintaj
kaj kraketas sub la paŝoj
kiuj komencas tristiĝi
lantiĝi
mediti...
jen la diferenco
inter la platanaj folioj
kaj la stelo de Esperanto:
dum tiuj estas jam brunaj,
pale flavaj, ruĝetaj
kaj falintaj sur la ŝtonojn
donante rendevuon
por la venonta printempo,
la stelo de Esperanto
ĉiam verdas, ĉiam vivas,
montras sian koloron neŝanĝita
sian verdon originan
vivan kaj brilan
kiu refarbas la tristecon
ĉiam varmigas nian koron
kaj diras nian ĝojon
per la sama vorto «ĝojo»
al ĉiuj popoloj de l' mondo,
disvastigante ĝin libere;

kaj tiel, per Esperanto,
nia aŭtuno ja estas
ankoraŭ
verda.

Vejdo (Ĉinujo)



Odo al aŭtunaj koloroj

La vento aŭtuna eksvingas per farboj
penikon ŝmiradas naturon plenforte.
Diversajn kolorojn prezentas jen arboj,
plantaĵoj, riveroj kaj floroj komforte.

La noktan mallumon dispelas aŭroro.
Jen ludas sur fono lazura ĉiela
laktblankaj nubmasoj tremvibre en foro,
glitante, flosante ja kiel ŝafaro fabela.

Sur transa deklivo de l' val' en prospero
diantoj disfloras en flava nuanco.
Svingiĝas ilia kapet' en libero
flirtante kun vento kvazaŭe en danco.

Montsupre sin sternas oranĝa la vasto
da persimonarboj punktataj en verdo.
La fruktoj maturas vere en kontrasto
al verdaj folioj cedante ne al konkur-perdo.

Cipresoj sin montras inkverdaj des plie,
verŝajne sin pretigi envintre rezisti



Mori (Usono)



Aforisme (36)

Unu egalas al unu
en matematiko
sed ne egalas
en politiko.

Vivi

sen sufiĉe da mono
estas kiel vivi
en prizono.

Kiam homoj kunvivas
pace kiel kolomboj
superfluas armiloj
kaj bomboj.

La plej granda
problemo

la neĝan atakon kaj strebe defie
rigoron malvarman por vive ekzisti.

Lavendo sin vestis viole purpura,
moleta kaj freŝa ja kiel vil-plena
tapiŝo farita el tuko velura
rebrile per gam' de violo solena.

En kampoj sorgplantoj kun spikoj skarlataj
skuiĝas leĝere kaj klinas sin pro kap-pezo.
Je blovo de vento aŭdiĝas ventbataj
susuroj por sona orela aprezo.

Kotonkampoj regalas okulojn per blanko
en verdaj foiloj — ja vere mantelo
kun fono smeralda sub puro sen manko,
simile al vasta stelplena ĉielo.

Orflavaj ondetoj nun ludas leĝere
rizkampe sub arda sunluma zorgemo,
leviĝas kaj sinkas rizspikoj espere
al riĉa rikolto kun ĝoja poemo.

Do, kiu kolor' plej elstaras aŭtune?
Kunplektas la buntan vidaĵon naturo
per ĉiaj koloroj kombine jen nune —
festen' por okuloj pri plena maturo!



estas tiu de
la soleca homo.

Grandas la diferenco
Inter gvidanto
kiu servas sian popolon
kiel saĝa patrioto,
kaj tiu, kiu sekvas
propran volon,
kiel stulta despoto.

Neniu krom
homvizaĝa lupo
aŭ homo ruza

kiel vulpo
kunfestas ĉe la tablo
de lupo.

Ju pli potenca
via penso
despli granda
via potenco.

Idioto per
sia voĉdono
agas kontraŭ
propra bono.

La plej malfeliĉaj
patriotoj
estas tiuj sub l' gvido de
despotoj kaj idiotoj.

Kie ĉiu homo zorgas
pri komunaj feliĉo
kaj prospero
tie estas paradizo
sur la tero.

Dio estas
konscio
en vi, en mi,
en ĉio.

Kapoj plenplena
je multe da nenio
ofte havas potencon
decidi pri ĉio.

Nur per mezuriloj :
Mono kaj Posteno
eblas mezuri karakteron
de ĉiu persono.

Homo

ju pli bonfara
estas despli valora.

Homo
sen potenca menso
estas homo
sen potenco.

En ĉiuj homoj estas
konstanta batalo
Inter bela anĝelo
kaj sovaĝa animalo.

En amikeco
estu kiel ĉevalo
ne forlasu amikon
meze de la batalo.

Frukto de pomarbo
ĉiam kaj ĉie
estas pomo,
sed ido de
lia moŝto Homo
Foje estas lupo,
Foje vulpo
Foje ŝafo
kaj Foje homo.

Homo parolas
kaj vestas sin bele
sed kondutas
krude kaj kruele.

Ve al ĝangalo, kie
anstataŭ leono,
hieno prezidas
sur la trono.

Niaj kritikoj
pri aliaj uloj
estas reflektado de
niaj propraj makuloj.

Dum via penso

pri viaj problemoj aktivis,
la problemoj en via vivo
plu vivas.

Ĉu bela,
ĉu malbela
Nia penso
fariĝas reala.

Senvalora persono
sur la plej alta posteno
ankoraŭ estas
senvalora persono.

Vulpo estas vulpo
lupo estas lupo
sed homo povas esti
kaj lupo kaj vulpo.

Homo estas
la ununura animalo
kiu batalas
sen natura kialo.

Se besto batalas
por manĝaĵo
homoj interbatalas
pro manko de saĝo.

Granda homo estas ne tiu,
kun granda potenco,
sed homo kun afabla koro
kaj granda penso.

Ju pli multe da
stultaj homoj,
despli abundas
soci-politikaj problemoj.

Dum ĉiu homo zorgas
nur pri sia batalo
homaro vivas
en sova ĝangalo.

Zorgi pri komuna prospero
estas ls plej sankta afero.

Kiam ĉiu homo zorgas
pri bonfarto de l' ceteraj homoj
la mondo estas
sen grandaj problemoj.

Estu kiel granda maro
sen zorgo pri
prijuĝo de homaro.

Kio estas la diferenco
Inter indifera persono
kaj ŝtono?
Nu , la dua pli utilas
ol indifera persono.

Dum ekzistas
egoistaj idiotoj

ekzistas diktatoroj
kaj despotoj.

Kiel guto de akvo
en la maro
sorto de unu homo
dependas de l' homaro.

Idiotoj kiuj staras
malantaŭ stulta despoto,
meritas la suferojn
de sia malfeliĉa sorto.

La diferenco

Inter animalo kaj homo
ne pli grandas ol nomo.

Reganto kiu sekvas
sian propran volon
neniel povas servi
sian popolon.

TiuT kiu amas Dion
devas ami ĉion.

Potencigu aĉulon
per posten' kaj glavo,
poste vi devas servi
lin kiel sklavo.

Jado (Ĉinujo)



Forgesu min

Forgesu mian humoraĉon
lasintan jam en via sino larĝa;
Forgesu mian seksallogon
florintan en soleca nokto via;
Forgesu mian petolemon
brilintan en okuloj mildaj viaj.

Pepante al vi ,
mi feliĉiĝis;
Paŭtante je vi,
mi ekmielis;
Man-tenate de vi,
mi ekradiis;
Okulumante al vi,
mi raviĝis;
kuŝante ĉe vi,
mi ebriiĝas.

Mi iam sentis min feliĉa
Mi fakte estis ja erara,

ke mi en sezon' malĝusta
renkontiĝis kun malĝusta vi.
Kvankam vi tion neas,
la diro tamen veras.

Esti trezor' en via mano
mi deziris;
Resti virineto apud vi
mi esperis;
Miaŭi kiel katid' sur via gambo
mi vere ŝatis;
Naĝi kiel fiŝ' en via mar' profunda
mi ja tre volis.

Ĉio ĉi estas sonĝo fantazia,
sonĝe maren vi alnaĝus.
Se manon mian peti vi alvenus.
Kaj mi vin tuj kontentigus.

Se dum la tuta vivo ni pariĝus kiel
geedzoj,
Ĉu en la tuta mondo ni estiĝus
la plejplej dolĉa kaj miela paro?!

Vi ofte diris:
profite de la sereno de la vivo,

ni vivu gaje kaj senĝene kiel feoj.
 Ni dume atenteme pentru la pentraĵon
 per la komuna kunvivado,
 sur kiu estas afablec' kaj obstineco,
 ĝojo kaj trist', trankvilo kaj zorgemo.
 En desegnaĵoj mi ĉiame estas via ĝoja
 ĉarmulino.

Vi ofte diris:
 Ĉu ni ne enspiru,
 sciante l' aeron kun bakterioj?
 Ĉu ni ne trinku,
 sciante l' akvon kun mikroboj?
 Ĉu ni ne vivu,
 sciante vivon kun temp-limo.
 Ha, via absurdaĵo, simpla trompo!
 Sed kelkaj songoj kaj deziroj
 neniam ja realigeblus.

Lasu do, l' estint' eksvalidiĝu!
 Vin mi ne ĝenos plu.
 En via mondo mi ne plu aperos,
 Nek la telefonvokoj kaj mesaĝoj,
 la zorgoj, riproĉetoj.
 Kiel agrable por mi nun,
 ke ĉion mi senkaŝe konfesis al vi.
 Vi vekiĝis, vidis, kompreniĝis, kaj eĉ
 kortuŝiĝis,
 sed miaflanke, mi decidis, do, foriri de vi.

Pro l'estonteco senfutura,
 foriri iu estas destinata morna,
 Se estas tiel,
 preferas mi tion fari, sed ne vi...
 Jen, amo aŭ ne-amo jam ne gravas,
 konfido aŭ perfido ankaŭ sensignifas.
 Kiu komprenas amon alies profunde?
 Kiu komprenas la tristecon de alies
 foriro?

Ni iam diskutis pri l' feliĉo,
 fakte, ĉiu el ni estas feliĉa,
 Nur tia, ke via feliĉo
 reflektas en okulo mia.

En la homa vivo
 ĉiam ekzistas sekret' neeldirebla,
 bedaŭro neŝanĝebla, sonĝo nerealigebla,
 Kaj ankaŭ troviĝas l' am' neforgesebla.
 Vi eble povus esti arkpafita de Kupid'
 multfoje,
 Sed tamen nur sola homo povus vin ridigi
 pli brile,
 plorigi pli kortuŝe,
 sopirigi pli profunde.

Efektive,
 la plej bela vojaĝo ne inkludas ĉiujn
 pejzaĝojn,
 sed la realo estas: kie ajn mi troviĝas,
 aperas vi en mian koron,
 kaj al vi mi sopiras.



Ivaniĉka Maĝarova (Bulgario)



Trapikas aŭror'
 l'arbaron en blua maten'.
 Spiro de suno.




Ĉambro plafona.
 Sur la fenestro steloj.
 Sobra sunleviĝ'.



Frostiĝinta paser'
 sur la fenestro frapas.
 Ĵetita paner'.



Trapasas la nokt' –
 ekbrilas la fajrujo.
 L'animo nuda.



Haicjo (Ĉinujo)



OMBRELO

Norduloj ne emas uzadi ombrelon
 Ĉar norda ĉielo ne emas eklarmi
 La norda ĉielo 'tas viro en vero
 Se eĉ en malĝojo, kriegas, li nur de kolero
 Norduloj deziras vojaĝi al sudo
 Rigardi: la suda ĉielo eklarmas
 Kaj kiel suduloj uzadas ombrelon
 Por forte subteni senlarman
 malgrandan spac-teron

Mi ploras

Mi nun ploras por vi,
 blanka kolombet'.

El Ĉina Antikva Poezio

Ye Shaoweng (? - ?)

Malsukcesa vizito al ĝardeno

La mastro eble gardas muskejon de fuŝtretoj,
 mi do ne povas ovri l' verg-pordon per frapetoj.
 Ne printemp-belon povas enfermi la ĝarden',
 mur-eĝe pavas ruĝa abrikot-frond' sen cedo.

Li Bai (701 - 762)

Gastado dum vojaĝo

En urb' min logas vina bonodoro
 en jada vazo kun sukcenkoloro.
 Se ebriigos maestr' min kiel gaston,
 mi ne hejmeon kovus en la koro.

Liu Jisun (1033 - 1092)

Subskribo sur la ekrano

Hirundoj pepas sur la traboj.
 Allogas ilin temoj kiaj?
 Min ili vekis el la sonĝo

Ĉu vi vere kuŝas
 tombe en kviet'?

Iam mi ja ĝojis
 pro viaj plumbril',
 alta ĉirkaŭflugo,
 bela, dolĉa tril'.

Iam ni atendis
 longe kun korŝir'
 vian resaniĝon
 el almorta ir'.

Mi ja nur bedaŭras
 mankon for de mi,
 ne plu en l' arbaro
 de verd-harmoni'.

senĝena. Konus ja l' aliaj
 nenion, eĉ se mi klarigus
 la pepon. Do kun la vinkruĉo
 kaj irbastono, mi preferas
 ermiti monten nun por fuĝo.

Du Fu (712 - 770)

Okazaj pensoj

Afliktas min river' de printempo velkoranda,
 Mi staras irbastone sur benko floro-planta.
 Freneze flirtas flokoj salikaj en vent-danco,
 Frivolaj persikfloroj drivas laŭ akv' fluanta.

Liu Yuxi (772 – 842)

Spekto al persikfloroj en la Taŭista templo Xuanduguan

De stratoj terpoveroj leviĝas al vizaĝo,
 Revenas gaje ĉiuj homoj el florpeljaĝo.
 Mil persikarboj en la taŭista templo,
 Post mia degradiĝo, plantiĝis por vid-plaĉo.

Revizito al la taŭista templo Xuanduguan

La korton de cent muoj en la templo
Musko duonekovras
La floroj kolzaj floroj, anstataŭ la persikaj
disfloure pompe sin ovras.
Sed kien la taŭistoj, kiuj plantis
la persikarbojn, iris?
Denove mi, vipata de la sorto,
Ĉi-tien min altiras.

Wei Yingwu (737 - 786)

La okcidenta roĝo en Chuzhou

Verdaj herboj mutas ĉe la fluo;
Inter densaj arboj orioleoj
Supre trilas hele kaj en bruo –
Ĉi pejzaĝoj, kiel ja idoloj,
Plaĉas al mi.

La printempa tajdo altorentas,
Kaj tuj urĝas pluvo je vespero.
La dezerta pramejo silentas,
Nur boat' sur roĝo, laŭ libero,
Flosas kun si.

Su Shi (1037 – 1101)

La ombro de floroj

~~~~~



# Zhuangzi

## ĈAPITRO DEKSESA

### *Kulturado de la denaska naturo*

#### §16-01

Tiuj, kiuj kulturas sian denaskan naturon per

La ombro amase ascendas sur la ŝtonperonon  
de l' bela kiosko. Ĝi estas tiel nigre densa,  
ke la servoknab' ne sukcesis — kelkfoje ordonon  
mi faris — balai ĝin for, eĉ per peno intensa.  
Apenaŭ reprenis la petolemajon la suno,  
Jam, neatendite, tuje ĝin resendas la luno.

**Wang Anshi (1021 - 1086)**

### *Bei-monto*

Bei-monto portas verdon al l' akvoj kiuj tajdas,  
En lagoj kaj riveroj smeraldaj ondoj saltas.  
Mi sidas tiel longe por florojn zorge nombri;  
Por serĉi belajn herbojn rehejmiĝi mi tardas.

**Xu Yuanjie (1196? - 1245)**

### *Sur la lago*

Sur arboj ruĝafloraj la orioleoj trilas,  
Super herbej' kaj lago ardeoj pace giras.  
Kun koro ĝojhumora, en krepusko serena,  
La homoj, en flutsonoj, remante hejmeniras.  
*elĉinigi*



**Minosun (Ĉinujo)**

vulgaraj studoj, kun la vana espero revenigi ĝin al la  
origina stato, kaj tiuj, kiuj reguligas siajn dezirojn per  
vulgaraj konceptoj, kun la vana espero perfektigi per  
tio sian inteligentecon, povas esti nomataj homoj  
blindaj kaj malkleraj.

La antikvuloj, kiuj sekvis la Taŭon, nutris sian  
inteligentecon per kvieteco. Ili estis intelligentaj, sed  
ili sin detenis uzi sian inteligentecon. Ili povas esti  
nomataj homoj, kiuj kulturas sian kvietecon per sia  
inteligenteco. Kiam la inteligenteco kaj la kvieteco  
nutras unu la alian, la harmonio kaj la ordo eliĝas el  
ilia naturo. La virto estas la enkorpiĝo de la harmonio,  
kaj la Taŭo estas la enkorpiĝo de la ordo. El la virto en  
perfekta harmonio venas la humaneco; el la Taŭo en  
perfekta ordo venas la justeco; el la justeco en



perfekta juĝo kaj el la sincereco venas la lojaleco; tio, kio venas el la simpla kaj honesta koro reflektanta la denaskan naturon, estas la muziko; tio, kio venas el la bonfido kaj la deca konduto, estas la rito. Kiam la muziko kaj la rito estas disvastigataj en malĝusta maniero, ĉio en la mondo falos en malordon. Se ĉiu homo korektas sin mem kaj tenas sian virton en si mem, lia virto ne etendiĝos al aliaj; alie, ĝi ofendos aliajn kaj ĉio en la mondo perdos sian propran naturon.

## §16-02

En siaj senklereco kaj simpleco la antikvuloj ĉiuj estis kvietaj kaj trankvilaj. Tiutempe la jino kaj la jango estis en harmonio kaj ekvilibro, la fantomoj kaj spiritoj faris nenian malordon, la kvar sezonoj sin sekvis regule, neniue el la estaĵoj ricevis malutilon, ĉiuj vivuloj vivis sian plenan vivdaŭron, kaj la homoj, kvankam naturdotitaj per inteligenteco, tamen havis nenian okazon por ĝin uzi. Tio estis la epoko de perfekta unueco inter la homoj kaj la naturo. Tiutempe la homoj faris nenion krom sekvi la naturan evoluon de la estaĵoj.

Kun la tempo la virto iom post iom degeneris kaj dekadencis. Kiam la suverenoj Suiren kaj Fuxi komencis regi super la mondo, ili sekvis la volon kaj la sentojn de la popolo kaj tiel ne plu konservis la perfektan unuecon inter la homoj kaj la naturo. Kiam la suvereno Shennong kaj Flava Imperiestro komencis regi super la mondo, ili atingis la stabilecon sed ne plu sekvis la volon kaj la sentojn de la popolo.

La virto plu degeneris kaj dekadencis. Kiam la reĝo Yao kaj la reĝo Shun komencis regi super la mondo, ili enkondukis sistemojn de regado kaj klerigado kun la rezulto, ke la pureco estis makulita kaj la simpleco estis difektita. Ili forlasis la Taŭon por instigi la popolon al bonfaroj, kaj neglektis la virton por instigi al bonkonduktado, tiel ke la popolo ignoris sian denaskan naturon kaj sekvis nur siajn proprajn dezirojn. Kiam la homoj komencis sondi al si la koron reciproke, la mondo ne plu povis esti tenata en ordo. Pli poste la ritoj estis enkondukitaj kaj la vulgaraĵoj estis akcelataj. La antaŭa superbrilis la denaskan naturon kaj la lasta dronigis la menson. Rezulte de tio, la popolo komencis konfuziĝi kaj

estiĝis malordo, tiel ke neniue povis retrovi sian denaskan naturon kaj reakiri siajn originajn purecon kaj simplecon.

El la ĉi-supra ni povas vidi, ke la mondo ne plu sekvas la Taŭon, kaj la Taŭo ne plu regas en la mondo. Kiam la mondo kaj la Taŭo sin perdis reciproke, la Taŭo ne povas revenigi la mondon al sia origina naturo, nek la mondo povas sin revigligi per la Taŭo. Tiukaze la saĝulo, eĉ se li ne vivas en la monta arbaro, ne plu havas influon sur la mondo, ĉar lia virto estas kovrita kaj dronas jam en forgeso.

La tiel nomataj ermitoj en la antikveco ne izolis sin por apartiĝi de la mondo; ili ne fermis sian buŝon por gardi silenton; ili ne kaŝis sian saĝecon por ĝin konservi en si. Ili faris sin ermitoj, ĉar ili vivis en malfavora tempo. Kiam la tempo estis favora kaj ili povis fari grandajn agojn, ili revenis al la stato de la perfekta unueco sen lasi postsignojn percepteblajn. Kiam la tempo estis malfavora por ili kaj ili trovis sin en malfacila situacio, ili kaŝiĝis kaj vivis kun atendo en perfekta kvieteco. Tio estas la maniero por sinkonservo.

Tiuj, kiuj sciis konservi sin en la antikveco, ne ornamis sian inteligentecon per elokventeco; ili ne embarasis la mondon per sia inteligenteco, nek penis perfektigi sian inteligentecon. Unuvorte, ili vivis en siaj konvenaj lokoj kaj revenis al sia denaska naturo. Tiukaze, kio alia do estis por ili farenda? La Taŭo ne signifas tiajn etajn aferojn, kiaj estas la humaneco kaj la justeco, nek la virto signifas tiajn etajn sciojn, kia estas la distingo de pravo kaj malpravo. Etaj scioj difektas la virton kaj etaj agoj difektas la Taŭon. Jen kial oni diras: “La sinkorektado estas ĉio, kion vi devas fari.”

## §16-03

Tiu, kiu trovas plezuron en la gardado de sia denaska naturo, estas feliĉa. Tia feliĉo estas nomata “plenumo de ambicio”. La “plenumo de ambicio” de la antikvuloj ne signifas akiri altajn regnificistajn rangojn, sed ĝui senfinan plezuron. La “plenumo de ambicio” de la nuntempuloj signifas akiri altajn regnificistajn rangojn. La alta posteno estas ne parto de via denaska naturo, sed io ekstera, kio hazarde venas kaj estas portempe deponita ĉe vi. Vi ne povas

vin gardi kontraŭ ĝia veno, nek malebligi ĝian foriron. Tial ne ŝvelu de fiero tiam, kiam vi ekhavas altan postenon, nek deprimiĝu kaj egaligu vin al la vulgara mondo tiam, kiam vi estas en mizero. Se vi trovas la saman plezuron en la du situacioj, vi estos libera de zorgoj kaj maltrankvilo. Se vi sentas malplezuron tiam, kiam vi perdas ion, kion vi akiris al vi, tio signifas, ke la plezuro, kiun vi havis, venis el via malordigita koro. Tial, kiel oni diras, “Tiuj, kiuj perdas sin mem en sia ĉasado de io, kaj tiuj, kiuj perdas sian denaskan naturon sub la influo de la vulgara mondo, povas esti nomataj homoj, kiuj jungas la bovon malantaŭ la plugilon.”

*Elĉinigis*



**Wang Chongfang (Ĉinujo)**

# Ĉineske

**Eto (Ĉinujo)**

## Floro en vazo

—laŭ ĉinesko Dekses-Silabo\*

En  
vazo flor' kun malĝoj-plen'  
lamentas  
pri sia ĉagren'.

Kun  
radikoj en vaz-brakum'  
mi kreskas  
en farita hum'.

Al  
mi ja mankas sunvual',  
kun vangoj  
en velkinta pal'.

En

malhela koridor' jen  
mi spiras  
kun malĝojmien'.

Pro  
akvomanko, varmo tro  
konsumas  
forton. Kion do?

El  
koro mi sub la ĉiel'  
ja volas  
vivi en lumhel'.

Sed  
mastro insistas sen ced'  
min flegas  
en la ĉambra bed'.

Ve!  
Iam mi senvive tre  
treniĝas  
ĝis fina pere'.



*\*Dekses-Silabo: ĉina fiksforma poemo el kvar versoj de 1, 7, 35 silaboj, laŭ rimarango a,a,xa (x=senrima)*

**Yanke (Ĉinujo)**

## Drakboata konkurso

—laŭ ĉinesko Busuanzi\*  
Boatoj vicas  
ĉe startlinio  
por konkurso intensa  
kun energio.+

Je gong-signallo  
sonas ĝojkrio.  
La spektantoj aplaŭdas  
jen kun pasio.

Kiel navedoj  
 boatoj glite  
 veturas sur rivero.  
 Vere ekscite

konkurso iras  
 al ondoj spite.  
 Ovacio eksplodas  
 ja ĝiszenite!

2018.06.18

## Infanoj en militfajro

—laŭ ĉinesko Busuanzi\*  
 Ja furiozas  
 krima milito  
 minace en la mondo  
 jen sen invito.

Domoj disfalas  
 kun tera glito.  
 Nur ruinoj diable  
 kuŝas kun spito.

Infanoj sen hejm’  
 malsate kun kri’  
 ĝemas kaj ploras triste  
 en mort-agoni’.

Ĉion jam perdis  
 eĉ sen famili’,  
 kompatindaj idoj, ve,  
 vivas en Siri’.

2018-06-14

\* ĉina fiksfirma poemo el du strofoj kun po kvar versoj de 55,75 silaboj kun duona rimo.

## Fernando Pita (Brazilo)

## Novelaro kiu rekonstruas sian aŭtoron

Ĉiu Literaturo – kaj la esperanta neniel esceptas tiun regulon – prezentas aŭtorojn laŭ diversaj niveloj:

interalie estas tiuj, kiuj skribas furoran kaj revolucion libron... kaj poste malaperas por ĉiam; estas tiuj, kiuj faktoj de ties privata vivo estas eĉ pli gravaj, kaj famaj, ol sia verkaro mem; kaj, inter diversaj aliaj kategorioj, estas tiuj kiuj, kvazaŭ masonistoj, fakte *konstruas* siajn verkojn. Tiel, brikon post briko ilia verkado evoluas, alportante al legantoj novajn elementojn. Tiuj aŭtoroj ja fariĝos grandaj, tamen ne pro unu aŭ du libroj, kaj certe ne pro sia personaj faroj: resume, estas ilia verkaro kiu devas esti zorgeme enkalkulata, ĉar ĉi-kaze la tuto pli grandas ol sumo de la partoj.

Tamen, tiu speco de aŭtoroj vivas ĉiam kun glavo pendanta sur iliaj kapoj: ĉar ilia verkaro kreskas senhalte tamen nur pogute, kaj en ili la novaj elementoj estas diskrete kaj eĉ kaŝe inkludigitaj, multaj homoj kutime diras ke “*la tekstoj de tiu ĉiam samas...*”

Kompreneble, tiu persono, precipe tiu eventuala leganto, kiu ne akompanas la tekstojn de la aŭtoro, ne kapablas tuj percepti tian evoluon, ĉar por tio ili devus aŭ legi ties tutan verkaron (afero preskaŭ nebla en nia esperanta medio) aŭ lupee kompari verkojn de malsimilaj periodoj de tiu aŭtoro. Se iu ne tiom faras, oni riskas nejuste taksi aŭtorojn kaj/aŭ verkojn, kaj ĝuste tiu estas la kazo de *La viro el la pasinteco* kaj de sia aŭtoro, Julian Modest.

Aŭtoro vere produktema, tiu specifa titolo de Modest unuavide suferas el tiu problemo: krom liaj teatraĵoj, liaj mallongaj noveloj sentiĝas iom plataj, senagaj, kun kelkfoje longaj priskribadoj, malmultaj dialogoj kaj manko de sufiĉa profundeco – kaj tio ja furiozigas la verajn amantojn de literaturo! En ili mankas tiu kontinuecon, kaj ilin legante, oni ree sentas, ke la noveloj finiĝis iom antaŭtempe, kvazaŭ ili estus tekstoj en kiuj oni distranĉis la finan paĝon.

Ĝenerale oni ne donas novan ŝancon al tiaj verkistoj: oni flankenĵetas ties verkon kaj, pri la aŭtoro mem, oni nur memoras pri ne plu aĉeti libron de li skribita. Tamen, tio tute ne estas la kazo de Modest, unu el la plej gravaj romanistoj de nia lingvo, kaj aŭtoro kies verkaro (terura vortludo!) ja ne modestas. Plie, li estas aŭtoro kies historio igas lin

